

## اتوار 8 دسمبر، 2024

### مضمون۔ رب کلائی وجہ تے خالق

سنہری متن: امثال 3 باب 19 آیت

”خداوند نے سیان نال دھرتی دی نیوں رکھی تے فہم نال اسمان نوں قائم کیتا۔“

جوابی پڑھائی: زبور 8:1، 3 توں 6 آیتاں

- 1۔ اے خداوند ساڈے رب! تیراناں ساری دھرتی اُتے کیسا بزرگ اے! تو اپنا جلال اسمان اُتے قائم کیتا۔
- 3۔ جد میں تیرے اسمان اُتے جیہڑا تیری دستکاری اے تے چن تے تاریاں اُتے جنماں نوں توں مقرر کیتا اے غور کرداواں۔
- 4۔ تے فیر انسان کیہ اے پئی تو اوہنوں یاد رکھیں تے آدم زاد کیہ اے پئی تو اوہدی خبر لوئیں؟
- 5۔ کیوں جے تو اوہنوں رب توں کجھ ای گھٹ بنایا اے تے جلال تے شوکت نال اوہنوں تاجدار کردا ایں۔
- 6۔ تو اوہنوں اپنی دستکاری اُتے تسلط بخشیا اے۔ تو سب کجھ اوہدے پیراں بیٹھاں کردتا اے۔

درسی وعظ

## بائبل وچوں

### 1- زبور 1:147 (توں پہلی؛) 8، 11 آیتاں

- 1- خداوند دی وڈیائی کرو۔ کیوں جے رب دی مدح سرائی کرنا چنگاے۔
- 8- جیہڑا اسمان نوں بدلاں نال ملبس کرداے۔ جیہڑا دھرتی لئی مینہ تیار کرداے۔ جیہڑا پہاڑاں اُتے کاہ تیار کرداے۔
- 11- خداوند اوہناں توں خوش اے جیہڑے اوہدے توں ڈردے نیں۔ تے اوہناں توں جیہڑے اوہدی شفقت دے امیدوار نیں۔

### 2- واعظ 3 باب 1، 11 (توں:)، 14 (سب کجھ) آیتاں

- 1- ہر شے دا اک موقع تے ہر کم دا جیہڑا اسمان دے بیٹھاں ہندا اے اک ویلہ اے۔
- 11- اوہنے ہر شے نوں اپنے ویلے وچ چنگا بنایا تے اوہنے ابدیت نوں وی اوہدے دل وچ جگایا ایس لئی پئی انسان اوس کم نوں جیہڑا رب شروع توں اخیر تیکر کرداے دریافت نیں کر سکدا۔
- 14- سب کجھ جو رب کرداے ہمیشہ لئی اے۔ ایہدے وچ کجھ گھاٹا وادھانئیں ہو سکدا تے رب نے ایہہ ایس لئی کیتا اے پئی لوک اوہدے توں ڈردے رہن۔

بائبل دا ایہہ سبق پلین فیلڈ کرچن چرچ، آزادولوں تیار ہویا اے۔ ایہہ کنگ جیمز بائبل دیاں آیتاں تے مسیری ہیکر ایڈی دی گھئی ہوئی کرچن سائنس دی درسی کتاب، ”سائنس تے صحت آیتاں دی کجھی دے نال“ وچوں لیاں ہوئیاں لازمی تحریراں نال بنیا اے۔

## 3- 1 سلاطین 16 باب 29 (توں:،) 30 (توں خداوند) آیتاں

29- تے شاہ یہوداہ آسادے اٹھتی ورھیاں توں عمری دا پترانخی اب ہن اسرائیل اُتے بادشاہی کرن لگیا۔

30- تے عمری دے پترانخی اب نے۔۔۔ خداوندی نظر وچ بدی کیتی۔

4- 1 سلاطین 17 باب 1، 7، 9، 10 (تے جد) (توں چوتھی)، 11 (لیندی آنویں)، 12 (توں)، 13 (توں؛)،  
14 توں 16 آیتاں

1- تے ایلیاہ تششی نے جیہڑا جلعاد دے پردیسیاں وچوں سی انخی اب نوں آکھیا پئی خداوند اسرائیل دے رب دی حیاتی دی قسم جیدے سامنے میں کھڑا آں ایہناں ورھیاں وچ نہ تریل پئے گی نہ مینہ ورھے گا جدوں تیکر میں نہ آکھاں۔

7- تے کجھ چر بعدوں اوہ نالہ شک گیا ایس لئی پئی اوس ملک وچ مینہ نئیں پیاسی۔

8- فیر رب دا ایہہ کلام اوہدے اُتے نازل ہو گیا۔

9- پئی اٹھتے صیدا دی صا پت نوں جاتے اوتھے ای رہے۔ ویکھ میں اک بیوہ نوں حکم دتا اے پئی تیری پرورش کرے۔

10- تے اوہ اٹھ کے صا پت نوں گیا تے جدوں اوہ شہر دے پھاٹک اُتے اڑیا تے ویکھیا پئی اک بیوہ اوتھے لکڑاں اکٹھیاں کر رہی اے۔ تے اوہنے اوہنوں آواز دے کے بلایا تے آکھیا مینوں تھوڑا جیہا پانی کسے پانڈے وچ لیا کے دے کہ میں پیواں۔

11- تے جدوں اوہ جان لگی تے اوہنے بلا کے آکھیا پئی اپنے ہتھ وچ اک ٹکڑا روٹی وی میرے لئی لیندی آئیں۔

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میری ہیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی گنجی دے نال“ وچوں لیاں ہوئیاں لازمی تحریراں نال بنیا اے۔

12- اوہنے آکھیا پئی خداوند تیرے رب دی حیاتی دی قسم میرے کول روٹی نہیں اے۔ بس اک مٹھ جنماں آٹا اک مٹکے وچ تے تھوڑا جیہا تیل اک کچی وچ اے تے ویکھ میں لکڑاں اکٹھیاں کر رہی آں پئی جا کے گھر اپنے لئی تے اپنے منڈے لئی ایہہ پکانواں تے اسی کھائیے۔ تے فیر مر جائیے۔

13- تے ایلیاہ نے اوہنوں آکھیا پئی ڈرنہ۔

14- کیوں جے خداوند اسرائیل دارب ایہہ آکھدا اے پئی اوس دن تیکر جدوں تیکر رب دھرتی اُتے مینہ نہ ورھائے نہ تے تیرا آٹے والا مٹکا خالی ہووے گا تے نہ ای تیل دی کچی کدی کئی گی۔

15- تے اوہنے جا کے ایلیاہ دے آکھن اُتے کیتا تے ایہہ تے اوہدا سارا خانوادہ کئی دناں تیکر کھاندے رہے۔

16- تے رب دے کلام دے مطابق جیہڑا اوہنے ایلیاہ دے راہیں آکھیا سی نہ تے آٹے دا مٹکا کدی خالی ہو یا نہ تیل دی کچی کدی کئی۔

## 5- 1 سلاطین 18 باب 1، 2، 41، 45 (توں پہلی) آیتاں

1- تے بوہت دناں بعد اینج ہو گیا پئی رب دا ایہہ کلام تیجے ورھے ایلیاہ اُتے نازل ہو گیا پئی جا کے انجی اب نوں مل تے میں دھرتی اُتے مینہ ورھانواں گا۔

2- ایس لئی ایلیاہ انجی اب نوں ملن نوں ٹرپیا تے سامریہ وچ بوہت سخت کال پیاسی۔

41- فیر ایلیاہ نے انجی اب نوں آکھیا اُتے آجا۔ کھاتے پی کیوں جے بوہت بارش والی آواز اے۔

42- ایس لئی انجی اب کھان پین نوں اُتے ٹر گیا، تے ایلیاہ کر مل دے سرے اُتے چڑھ گیا تے دھرتی اُتے سرسٹ کے اپنا منہ اپنے گوڈھیاں دے وچکار رکھ لیا۔

43- تے اپنے خادم نوں آکھیا ذرا اُتے جا کے سمندر ول تے ویکھ۔ ایس لئی اوہنے اُتے جا کے نظر کیتی تے اکھیا اوہ تھے کجھ وی نہیں اے۔ اوہنے آکھیا فیر ست واری جا۔

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ گنگ جیمز بائبل دیاں آیتاں تے میسرے ہیکرا ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی گنجی دے نال“ وچوں لیاں ہو یاں لازمی تحریراں نال بنیاں۔

44- تے ستویں واری اوہنے آکھیا ویکھ اک نکاجیہا بدل بندے دے ہتھ برابر سمندر وچوں اٹھیاے۔ تداوہنے آکھیا جا تے انجی اب نوں آکھ پئی اپنار تھ تیار کروا کے بیٹھاں اتر جاتاں جو بارش نہ تینوں روکے۔

45- تے تھوڑے چروچ ای اسمان ہنیری تے بدلاں نال کالا ہو گیا تے بڑا مینہ پیا تے انجی اب سوار ہو کے یزر عیمل نوں چلا گیا۔

## 6- 2 سلاطین 2 باب 1 آیت

1- تے جد خداوند ایلیاہ نوں واں ورھولے وچ اسمان اُتے چکن والا سی تے انج ہو پئی ایلیاہ ایشع نوں نال لے کے جلال چوں نکلیا۔

## 7- 2 سلاطین 4 باب 38 توں 41 آیتاں

38- تے ایشع جلال وچ آیتے ملک وچ کال سی۔ تے نبیاں دے پتر اوہدے سامنے بیٹھے ہوئے سی تے اوہنے اپنے خادم نوں آکھیا پئی وڈھی دیگ چڑھا دے تے ایہناں نبیاں دے پتراں لئی لپسی پکا۔

39- تے اوہناں وچوں اک پیلی نوں گیا تے کجھ ترکار چن لیا۔ تے اوہنوں کوئی جنگلی لتا مل گئی۔ اوہنے اوہدے وچوں اندر این توڑ کے پیٹ بھریا تے فیر پر تیا تے اوہناں نوں کٹ کے لپسی دی دیگ وچ پادتا کیوں جے اوہ اوہناں نہ پچھان دے سی۔

40- ایس لئی اوہناں نے اوہناں بندیاں دے کھان لئی اوہدے وچوں پایا تے انج ہو پئی جد اوہ لپسی وچوں کھانلگے تے اوہ چلان لگے تے آکھیا اے رب دے بندے دیگ وچ موت اے تے اوہ اوہدے وچوں نہ کھا سکے۔

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میری ہیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی گنجی دے نال“ وچوں لیاں ہوئیاں لازمی تحریریں نال بنیاں۔

41۔ پر اوہنے آکھیا آٹا لیا ووتے اوہنے اوہنوں دیگ وچ پادیتا تے آکھیا اوہناں لوکاں لئی پاؤتاں جو اوہ کھان۔ ایس طراں دیگ وچ کوئی نقصان والی شے باقی نہ رہی۔

8۔ یوئیل 2 باب 23، 25 (توں پہلی)، 26 (توں دو جی)، 27 (توں:)، 30 (توں پہلی)، 32 آیتاں

23۔ ایس لئی اے بنی صیون خوش ہوتے خداوند اپنے رب وچ شادمانی کرو کیوں جے اوہ تہانوں پہلی برسات اعتدال نال دیوے گا۔ اوہ ای تہاڈے لئی مینہ یعنی پہلی تے پچھلی برسات ویلے سرگھلے گا۔

25۔ تے اوہناں ورھیاں دا حاصل جیہڑے تہاڈے خلاف گھلی ہوئی فوج ملخ نکل گئی تہانوں واپس دیوے گا۔

26۔ تے تسی واواہ کھاؤ گے تے رجھو گے۔

27۔ تے تسی جانو گے پی میں اسرائیل دے نال واں تے میں خداوند تہاڈا رب واں ہو ر کوئی دو جانئیں۔

30۔ تے میں دھرتی تے آسمان وچ عجیب کم ظاہر کراں گا یعنی لو تے آگ تے دھونویں دے تھم۔

32۔ تے جیہڑا وی رب دانان لووے گا مکتی پاوے گا کیوں جے صیون دے پہاڑ تے یروشلیم وچ جیویں رب نے آکھیا اے بچ کے نکلن والے ہوون گے تے باقی لوکاں وچ اوہ جنہاں نوں خداوند بلاؤندا اے۔

## سائنس تے صحت

1۔ 331:16-17، 18 (اوہ)۔ 24

بائبل دا ایہ سبق پلین فیلڈ کرچن چرچ، آزادولوں تیار ہویا اے۔ ایہہ گنگ جیمز بائبل دیاں آیتاں تے میری ہیکراڈی دی لکھی ہوئی کرچن سائنس دی درسی کتاب، ”سائنس تے صحت۔ آیتاں دی گنجی دے نال“ وچوں لیاں ہوئیاں لازمی تحریراں نال بنیا اے۔

رب دے سنسار وچ ہر شے اوہنوں ای ظاہر کر دی اے۔

اوہ الہی اصول، پیار، عالمگیر وجہ، کلا خالق اے، تے دو جانو دکار موجود نہیں اے۔ اوہ سب وچ شامل اے، تے جو کجھ ابدی تے اصلی اے او سب کجھ دے راہیں اوہ پرچھانو اں بن دا اے کسے ہو ر شے دے راہیں نہیں۔ اوہ ساری خالی تھاں پر کر دا اے۔ تے سوائے لا متناہی دی روح یا عقل دے طور تے اجیہی ہر تھاں تے موجود تے انفرادیت نوں سمجھنا ناممکن ہندا اے۔

2- 13:102 (انسان)۔ 15

۔۔ انسان، رب دی قدرت دا پرچھانو اں ہندییاں ہوئے، پوری دھرتی تے اوہ دے سارے لشکراں اُتے حاکم اے۔

3- 8:139

شروع توں اخیر تیکر، سار اکلام پاک مادے اُتے روح، سیان دی فتح دے واقعاں نال بھریا ہو گیا اے۔ موسیٰ نے سیان دی طاقت نوں ایہدے راہیں ثابت کیتا جنہوں انسان معجزے آکھدا اے؛ ایسے طراں ایشوع، ایلیا تے ایشوع نے وی کیتا۔

4- 29-27، 24-23:114

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میری ہیکرا ایڈی دی لکھی ہوئی کرچن سنس دی درسی کتاب، ”سنس تے صحت آیتاں دی گنجی دے نال“ وچوں لیاں ہوئیاں لازمی تحریراں نال بنیا اے۔

کر سچن سائنس سارے سبباں نوں بدنی نئیں بلکہ ذہنی قرار دیندی اے۔۔۔ الٰہی سائنس وچ کائنات انسان نوں شامل کر کے روحانی، ہم آہنگ تے ابدی اے۔

5- 24-16:209

دھرتی نوں بناؤن والی آمیختہ معدنیات یا اکٹھا کیتا ہوئی مواد، مادیاں نوں یا اک دو جے دے نال جوڑ کے رکھن والی نسبت، طول و عرض، فاصلے تے فلکی شیواں دے چکر فیر اصلی اہمیت نئیں رکھدے جدوں اسی ایہہ یاد کردے آں پئی ایہناں ساریاں نوں روح وچ انسان تے سنسار دی ترجمانی دے پاروں روحانی اصلیت نوں تھان دینی چاہیدی اے۔ جدوں ایہہ سب کچھ کیتا جاندا اے تے ایس تناسب وچ، انسان تے سنسار نوں ہم آہنگ تے ابدی پایا جاندا اے۔

6- 21-15:257

مادی حساں تے انسانی تصور روحانی خیالاں دا ترجمہ مادی عقیدیاں وچ کرن گے، تے آکھن گے پئی تشبیہاتی رب، لا تنہا ہی اصول دی بجائے، دو جے لفظاں وچ، الٰہی محبت مینہ دا پپو اے، ”تریل دے قطرے جیدے توں پیدا ہوئے،“ جیہڑا ”منطقہ البروج نوں اوہناں دے ہتھوں کڈھ سکدا اے“ تے ”بنات النعش دی اوہناں دیاں سہیلیاں دے نال“ رہبری کر سکدا اے۔

7- 23:520 (رب)۔ 24 (توں دو جا)، 24 (دی)۔ 1

بائبل دا ایہہ سبق پلین فیلڈ کرچن وچ، آزادولوں تیار ہو یا اے۔ ایہہ گنگ جیمز بائبل دیاں آیتاں تے میری ہیکراڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی گنجی دے نال“ وچوں لیاں ہوئیاں لازمی تحریراں نال بنیا اے۔



رب سب کجھ سیان دے راہیں نہ پئی مادے دے راہیں بناؤندالے،۔۔ کوئی پودا بیج یا مٹی دے پاروں نہیں ودھ دا، بلکہ ایس لئی کیوں جے نشوونما سیان دا ہمیشہ دا اختیار اے۔ فانی سوچ دھرتی اُتے سٹی جان دی اے، پر لافانی داسوچ نوں پیدا کرنا اتوں اے، نہ پئی بیٹھوں اے۔ کیوں جے سیان سب کجھ بناؤندی اے، ایس لئی کجھ اجیہا باقی نہیں رہندہ جیہڑا بیٹھلی طاقت پیدا کر دی ہووے۔ روح، انسان لئی فصل نوں کاشت دے قابل بناؤن دا وسیلہ بن دیاں ہوئے، پر اوہنوں مٹی توں اُچا بناؤندیاں ہوئے، سیان دی سائنس دے راہیں عمل کر دی اے۔

8 - 268:6-2

مادی بنیاداں والا عقیدہ، جیدے توں ساری عقلیت جم دی اے، ہر اثر دی وجہ دے طور تے مادے توں عقل تیکر غور کر دیاں ہوئے، ہولی ہولی مابعدالطبیعیات والیاں بنیاداں دے طور تے من دا اے۔ مادیت پسندی دے مفروضے مابعدالطبیعیات نوں اخیر لڑائی وچ ملن لئی لکار دے نیں۔ ایس ارتقائی دور وچ، اوس چرواہے منڈے وانگر جیدے ہتھ وچ غلیل سی، عورت جاتی جو لیت دے نال لڑائی کرن نوں اگاں ودھ دی اے۔

برتری دی ایس آخری کوشش وچ، نیم استعاراتی نظام سائنسی مابعدالطبیعیات لئی کوئی معیاری مدد برداشت نہیں کر دے، کیوں جے اوہناں دیاں دلیلاں مادی حساں دی جھوٹی گواہی تے اوہدے نال نال سیان دیاں حقیقتاں اُتے نیو رکھ دے نیں۔ ایہہ نیم استعاراتی نظام اجتماعی طور تے سارے دے سارے واحد لوجو دینیں تے پینڈو مونیم نیں، یعنی ایہداں دا گھر جیہڑا اپنے آپ دے خلاف ونڈیا ہووے۔

9 - 547:23(دی)-30

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ گنگ جیمز بائبل دیاں آیتاں تے میری ہیکراڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی گنجی دے نال“ وچوں لیاں ہوئیاں لازمی تحریراں نال بنیا اے۔

صحیفے بوہت پاک نیں۔ ساڈا مقصد اوہناں دے روحانی فہم نوں حاصل کرنا ہونا چاہیدا اے، کیوں جے بس فہم دے راہیں ہی اسی سچائی پاسکدے آں۔ سنسار دا، انسان سمیت، اصلی نظریہ مادی تاریخ وچ نئیں بلکہ روحانی ترقی وچ اے۔ الہامی سوچ سنسار دے اک مادی، جسمانی تے فانی نظریے نوں ترک کردی، تے روحانی تے لافانی نوں اپناؤندی اے۔

## 10- 21-12:516

محبت، بے غرضی نال معطر ہو کے، ساریاں نوں خوبصورتی تے لوناں نہواؤندی اے۔ ساڈے پیراں بیٹھاں کاہ خاموشی نال آکھدی اے پئی، ”حلیم دھرتی دے وارث ہوون گے۔“ معمولی قطلب دی جھاڑی اپنی مٹھی خوشبو اسان ول گھلدی اے۔ وڈھی چٹان اپنا پرچھانواں تے پناہ دیندی اے۔ سورج دی لوچرچ دے گنبد وچوں چمکدی اے، قید خانے اُتے ڈگدی اے، بیمار دے کمرے وچ پیندی اے، پھلاں نوں روشن کردی اے، دھرتی دے منظر نوں سوہنا بناؤندی اے، دھرتی نوں برکت دیندی اے۔ انسان، اوہدی شبیہ اُتے بنائے جان نال پوری دھرتی اُتے رب دی حاکمیت داپر چھانواں بن داتے ملکیت رکھدا اے۔

## 11- 30-21:125

ویلاتے چھل، گرمی تے پالا، طول بلد تے ارض بلد دے بدلن نال موسم آؤندی جان دے رہن گے۔ زراعت داماہر ایہہ جان جائے گا پئی ایہہ تبدیلیاں اوہدی پئی اُتے کوئی اثر نئیں پاسکدیاں۔ ”توں اوہناں نوں کپڑیاں وانگر بدل لوئیں گاتے اوہ بدل جان گے۔“ سمندری مسافر ماحول اُتے، بڑے ڈونگے سمندر اُتے، سمندر دیاں مچھلیاں تے ہوادے پرندیاں اُتے اختیار رکھے گا۔ فلکیات داماہر ستاریاں نوں ہور نہ دیکھے گا، اوہ سنسار وچ ایہناں توں ہوشیار رہوے گاتے بھل وچن والا ایہدے بچ نکلن توں پلاں بھل نوں پالوے گا۔

بائبل دا ایہہ سبق پلین فیلڈ کرچن چرچ، آزادولوں تیار ہویا اے۔ ایہہ کنگ جیمز بائبل دیاں آیتاں تے میری ہیکراڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی گنجی دے نال“ وچوں لیاں ہوئیاں لازمی تحریراں نال بنایا اے۔

## 12- 30-25:14

مادی حیاتی دے عقیدے تے سفنے توں بالکل وکھری، الہی حیاتی اے، جیہڑی روحانی فہم تے ساری دھرتی اُتے انسان دی حکمرانی دی سیان نوں ظاہر کر دی اے۔ ایہہ فہم غلطی نوں باہر کڈھدا اے تے بیمار نوں شفا دیندا اے، تے ایہدے نال تسی ”صاحب اختیار وانگر“ گل کر سکہدے آں۔

## 13- 15-4:96

پیار آخر کار ہم آہنگی دا ویلہ مقرر کرے گا، تے روحانیت ایہنوں منے گی، کیوں جے بیمار روح اے۔ غلطی دے پورے تباہ ہون توں پہلاں عام مادی معمول دیاں مدخلتاں ہون گیاں۔ دھرتی بے مزہ تے ویران ہو جاوے گی، پر گرمی تے سردی داسوسم، بیج داری تے کاشت دا ویلہ (بھانویں بدلن والے حالات وچ وی)، اخیر تیکر جاری رہن گے، جدوں تیکر ساریاں شیواں دی روحانیت نہ ہو جاوے۔ ”ہنیر ویلہ ساجرے ویلے توں پہلاں ہندا اے۔“

ہن ایہہ مادی جگ وی متصادم طاقتاں دا اکھاڑا بن رہیا اے۔ اک پاسے تے ایہتھے مخالفت تے مایوسی ہووے گی؛ جد کہ دوجے پاسے ایہتھے سائنس تے امن ہووے گا۔

## 14- 26:20-13:97 (”وہ۔“)-28

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ گنگ جیمز بائبل دیاں آیتاں تے میسرہ ہیکرا ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی گنجی دے نال“ وچوں لیاں ہوئیاں لازمی تحریراں نال بنیا اے۔

جنہاں بوہتا مادا تباہ کن بن دا اے، اوہنا ای ایہدا عدم ظاہر ہووے گا، جدوں تیکر پئی مادا فریب نظری وچ ایہدے زوال تیکر نئیں اُپڑداتے ہمیشہ لئی غائب نئیں ہو جاندا۔ اوس حد دے بغیر جتھے، الہی محبت دے پاروں برباد ہندیاں ہوئے، اک جھوٹا عقیدہ اک فریب نظری ہونا ترک کر دیاں ہوئے، جنہاں سچائی دے نیسٹے ہندا جاندا اے، اوہناں ای ایہہ بربادی لئی پکا ہندا جاندا اے۔ جنہاں بوہتا عقیدہ مادی ہووے گا، اوہنی ای واضح ایہدی غلطی ہووے گی، جدوں تیکر پئی الہی روح، اپنی سلطنت وچ اعلیٰ ترین، سارے مادے اُتے غالب نئیں آؤندی، تے انسانی روح دی شبیہ، اپنی اصل ہستی، وچ نئیں پائی جاندی۔

”اوہ بول اٹھیا۔ دھرتی پگھل گئی۔“ پاک کلام اشارہ کردا اے پئی روح دی بالادستی دے سامنے سارا مادہ غائب ہو جاوے گا۔

## روزانہ دے فرض

میری بیکریڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

## مقصداں تے کماں دا اک اصول

بائبل دا ایہہ سبق پلین فیلڈ کرچن چرچ، آزاد ولوں تیار ہو یا اے۔ ایہہ گنگ جیمز بائبل دیاں آیتاں تے میری بیکریڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی گنجی دے نال“ وچوں لیاں ہوئیاں لازمی تحریراں نال بنیا اے۔

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہدے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔